

UGOVOR O NABAVCI ROBE - Portabilni govorni program za slijepe

zaključen između ugovornih strana:

1. **UNIVERZITET U SARAJEVU, Obala Kulina bana 7/II, 71000 SARAJEVO**, kojeg zastupa rektor prof. dr. Rifat Škrijelj (u daljem tekstu: Kupac), ID broj: 4200494560007 i
2. **Obrtnička radnja „AGENCIJA INSERT“**, ul. Hifzi Bjelevca 8., Ilidža, koga zastupa direktor Hamdo Kentra (u daljem tekstu: Prodavac), ID broj: 4301963920002, broj transakcijskog računa: 1610000089030006 otvoren kod RAIFFEISEN BANK DD Bosna I Hercegovina

I. PREDMET UGOVORA

Član 1.

Predmet ovog Ugovora je nabavka robe i to: **Portabilni govorni program za slijepe** (u daljnjem tekstu: roba), za potrebe i po zahtjevu Ugovornog organa, u skladu sa uslovima utvrđenim u Zahtjevu za dostavljanje ponude Ugovornog organa broj: 0101-5739-2-1/19 od 21. 06. 2019. godine (u daljnjem tekstu: Zahtjev za ponudu) i Ponudom broj: 06/19 od 24. 06. 2019. godine (u daljnjem tekstu: Ponuda).

Prodavac se obavezuje da u skladu sa Zahtjevom za ponudu, Ponudom i pozitivnim propisima koji uređuju predmetnu oblast, izvrši predmetnu nabavku.

Ponuda Prodavca je u prilogu i čini sastavni dio Ugovora.

II. CIJENA

Član 2.

Ukupna cijena ovog Ugovora prema specificiranim robama, količinama i ugovorenim jediničnim cijenama iznosi: 1.200,00 KM bez PDV-a, (slovima: *jednahiljadvijestotinekonvertibilnihmaraka i 00/100*).

Agencija Insert nije u sistemu PDV-a.

Cijene robe obuhvataju sve troškove do isporuke robe na adresu krajnjeg korisnika.

Ugovorene cijene robe iz stava 1. ovog člana su fiksne i neće se mijenjati za vrijeme trajanja ovog Ugovora.

III. MJESTO ISPORUKE

Član 3.

Predmetna roba bit će isporučena na adresi: Ured za podršku studentima, Zmaja od Bosne broj 8., 71000 SARAJEVO.

IV. ROK I NAČIN ISPORUKE

Član 4.

Prodavac se obavezuje da će isporuku predmetne robe izvršiti u skladu sa potrebama i u terminu koji odredi Kupac.

Kao dokaz izvršene isporuke robe, Prodavac uz račun prilaže otpremnicu, koja mora biti potpisana od strane predstavnika Prodavca i Kupca.

U slučaju da Prodavac isporuči robu koja nije u skladu sa Zahtjevom za dostavljanje ponude i Ponudom, Kupac će odbiti prijem takve robe, te zahtijevati od Prodavca da u roku od 24 sata isporuči robu bez nedostataka ili da o svom trošku utvrđene nedostatke otkloni.

Ukoliko Prodavac u ostavljenom roku ne isporuči robu bez nedostataka, odnosno nedostatke ne otkloni, Kupac ima pravo da raskine ugovor i zahtijeva naknadu štete.

V. NAČIN I ROK PLAĆANJA

Član 5.

Ugovorne strane su saglasne da će Kupac izvršiti plaćanje preuzete robe u roku od (30) trideset dana od dana dostavljanja potpisane i ovjerene poreski ispravne fakture od strane Prodavca.

Faktura se dostavlja na adresu Kupca, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Prodavca.

VI. ODGOVORNOST I OBAVEZE KUPCA

Član 6.

Ugovorni organ se obavezuje da:

- odredi Prodavcu termin i mjesto za isporuku robe;
- izvrši kvalitativni i kvantitativni pregled isporučene robe, bez nedostataka;
- izvrši uredno plaćanje ispostavljene fakture u skladu sa članom 5. ovog Ugovora;

VII. ODGOVORNOST I OBAVEZE PRODAVCA

Član 7.

Prodavac se obavezuje da:

- isporuči robu prema zahtjevima Kupca, kako je definisano Ugovorom;
- izvrši isporuku robe na mjestu i u roku određenim Ugovorom;
- snosi sve rizike do konačnog prijema robe na krajnjem odredištu;
- kvalitetno i uredno izvrši Ugovor u skladu sa nalogima Kupca, važećim propisima, pravilima i standardima struke za ovu vrstu posla, štiti prava i interese Kupca, te ga obavještava o toku izvršenja Ugovora;
- riješi eventualne reklamacije Kupca potpisane od strane ovlaštenog predstavnika Kupca;
- za isporučenu Robu Prodavac daje garanciju Kupcu na ispravno funkcionisanje iste;
- ispostavi fakturu za isporučenu robu.

VIII. TRAJANJE UGOVORA

Član 8.

Ovaj Ugovor se zaključuje do isporuke robe iz predmeta Ugovora.

IX. RASKID UGOVORA

Član 9.

Kupac ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz Ugovora u ugovorenom roku, a koje nisu rezultat kašnjenja preuzetih obaveza Kupca.

Ugovor može biti jednostrano raskinut dostavom pismene obavijesti drugoj ugovornoj strani 7 (sedam) dana prije raskida.

Obavijest mora sadržavati razlog raskida ugovora.

U slučaju raskida ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

X. KONTAKT OSOBA

Ured za podršku studentima, Amina Ribić, broj telefona: 033 668 251; e-mail adresa: amina.ribic@unsa.ba

XI. ZAVRŠNE ODREDBE

Član 10.

U skladu sa članom 72. stav 6. Zakona o javnim nabavkama, Prodavac nema pravo zapošljavati, u svrhu izvršenja ugovora o javnoj nabavi, fizička ili pravna lica koja su učestvovala u izradi tenderske dokumentacije ili su bila u svojstvu člana ili stručnog lica koje je angažirala komisija za javne nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 11.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

Član 12.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Član 13.

Ovaj Ugovor stupa na snagu kada ga potpišu i ovjere ovlašteni predstavnici ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 14.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka ugovorna strana. Svi primjerci važe kao original i imaju jednako pravno djelovanje.

ZA KUPCA:

Rektor

prof. dr. Rifat Skrijelj

Broj: 0101-5739-3/19

Datum: 25. 06. 2019. godine



OBRTNIČKA RADNJA
AGENCIJA INSERT
ILIDŽA, Hifai Bjelevec 8
VL. Kontra Hamdo

R. Skrijelj

ZA PRODAVCA:

Direktor

Broj:

Datum: 27. 6. 2019. godine